



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-113-4/24**
Datum: **31.5.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „EUROANDI“ d.o.o. Velika Kladuša, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Podzvizd, općina Velika Kladuša, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „EUROANDI“ d.o.o. Velika Kladuša, za ispuštanje onečišćenih oborinskih voda sa lokacije objekta benzinske pumpne stanice sa pratećim sadržajima, izgrađen u naselju Podzvizd, općina Velika Kladuša, na zemljištu označenom kao k.č. broj: 653/3, 653/4, 653/6 i 653/7 (podaci novog premjera), K.O. Podzvizd, odnosno k.č. broj: 168/11, 168/15 i 168/19 upisano u zk. ul. br. 1229 i 1155 K.O. Podzvizd (podaci starog premjera), općina Velika Kladuša.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da za vrijeme važenja ovog rješenja, korisnik objekta izvede završni habajući sloj i ovičenje stražnjeg platoa internih saobraćajnih i pretakališnih površina na način da se odvodnja oborinskih voda sa istih odvede na potreban tretman na separator ulja i masti. Površina namijenjena za parkiranje autocisterne dok se vrši pretakanje u ukopane spremnike mora biti betonirana.
 - 3.3. Da za vrijeme važenja ovog rješenja podnosilac zahtjeva, izvrši kontrolna ispitivanja i priloži atestnu i drugu dokumentaciju za ugrađeni separator ulja i masti, karakteristika prema priloženoj projektnoj dokumentaciji – Glavni projekt vodovoda i kanalizacije, urađen od strane ZAGREBINSPEKT d.o.o. Mostar pod brojem 01-15-36-II/14, veljače 2014. godine, u Mostaru.
 - 3.4. Skladištenje nafte i naftnih derivata vršiti u podzemnim dvoplašnim rezervoarima, ukupnog kapaciteta 120 m³, sa primjenom sistema automatske dojava o procurenju međuplašnog prostora.
 - 3.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.6. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.7. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.

- 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe, a rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „EUROANDI“ d.o.o. Velika Kladuša je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „EUROANDI“ d.o.o. Velika Kladuša, obratilo se ovoj Agenciji dana 4.3.2024. godine (zaprimljen 8.3.2024. godine) zahtjevom, broj: 721/24, za izdavanje vodne dozvole za promet opasnih materija kao i proizvoda od tih materija koje nakon upotrebe dopijevaju u vode te ispuštanje onečišćenih oborinskih voda sa lokacije objekta benzinske pumpne stanice izgrađenog u naselju Podzvizd, općina Velika Kladuša, na zemljištu označenom kao k.č. broj: 653/3, 653/4, 653/6 i 653/7 (podaci novog premjera), K.O. Podzvizd, odnosno k.č. broj: 168/11, 168/15 i 168/19, upisano u zk. ul. br. 1229 i 1155, K.O. Podzvizd (podaci starog premjera), općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Rješenje o izmjenama podataka; izdano dana 8.2.2018. godine, od strane Općinskog suda u Bihaću pod brojem 017-0-Reg-18-000106 (ovjerena kopija),
- Uvjerjenje o poreznoj registraciji, izdano dana 26.06.2012. godine, od strane Federalnog ministarstva finansija, Porezne uprave Federacije BiH – Kantonalni porezni ured BIHAĆ (ovjerena kopija),
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-17-1-35-416-5/12, izdano od strane Uprave za indirektno – neizravno oporezivanje Banjaluka dana 16.07.2012. godine (ovjerena kopija),
- Nalog za plaćanje upravne pristojbe (ovjerena kopija),
- Rješenje, kojim se odobrava pravnom licu „EUROANDI“ d.o.o. Velika Kladuša, da kao investitor može početi sa izgradnjom poslovnog objekta – benzinske pumpe sa pratećim sadržajima u Podzvizdu, na zemljištu označenom kao k.č. br. 653/3, 653/4, 653/6 i 653/7 K.O. Podzvizd, što po starom premjeru odgovara k.č. br. 168/11, 168/15 i 168/19 upisano u zk. ul. br. 1229 i 1155 K.O. Podzvizd, pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih saglasnosti; izdano od strane Općinskog načelnika općine Velika Kladuša pod brojem 03/1-23/2-1161/12, dana 05.04.2012. godine, u Velikoj Kladuši (kopija),
- Rješenje o vodnoj dozvoli; izdano od strane Agencija za vodno područje rijeke Save Sarajevo pod brojem UP-I/25-3-40-514-7/18, dana 02.11.2018. godine (kopija),
- Rješenje, kojim se daje urbanistička saglasnost „EURO-ANDI“ d.o.o. Velika Kladuša za izgradnju poslovnog objekta – benzinska pumpa sa pratećim sadržajima u Podzvizdu, na zemljištu označenom kao k.č. br. 653/3, 653/4, 653/6 i 653/7, kuća i zgrada, ekonomsko dvorište, njiva 4. i 5. klase, površine 2675 m² K.O. Podzvizd; izdano od strane Općinskog načelnika Općine Velika Kladuša pod brojem 03/1-23/1-2287/11, dana 28.11.2011. godine, u Velikoj Kladuši (kopija),
 - Urbanističko-tehnički uvjeti i situacija terena u mjerilu 1:500, urađeni dana 07.07.2011. godine (kopija),
 - Kopija katastarskog plana, broj plana: 4, katastarska općina: Podzvizd; izdana od strane Odjeljenja za katastar i geodetske poslove Službe za imovinsko-pravne, katastarske i geodetske poslove općine Velika Kladuša, dana 30.06.2011. godine, u Velikoj Kladuši (kopija),
- Izvještaj o monitoringu kvaliteta i kvantiteta otpadnih voda; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 7-399-4147/23, jula 2023. godine,
- Glavni projekt instalacija vodovoda i kanalizacije, urađen od strane ZAGREBINSPEKT d.o.o. Mostar pod brojem 01-15-36-II/14, veljače 2014. godine, u Mostaru (na uvid), revidiran od strane „PROJEKT“ a.d. Banjaluka pod brojem 332/14, dana 03.03.2014. godine, u Banjaluci (na uvid),
- Zaključak o visini i roku za plaćanje posebnih troškova u postupku izdavanja vodnog akta; izdan od strane Agencije za vodno područje rijeke Save pod brojem UP-1/21-3-40-113-2/24, dana 21.3.2024. godine te kopija naloga za plaćanje navedenih troškova.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-113-3/24 od 9.4.2024. godine.

Na osnovu dostavljene dokumentacije i izvršenog uviđaja na licu mjesta utvrđeno je slijedeće:

Poslovni objekt benzinske pumpne stanice sa pratećim sadržajima „EUROANDI“ d.o.o. Velika Kladuša, je izgrađen sa desne strane regionalne ceste R 401 (Bosanska Otoka – Velika Kladuša), u naselju Podzvizd, općina Velika Kladuša.

Objekat se sastoji od nadstrešnice iznad aparata za istakanje goriva sa maloprodajnim mjestom, kafe barom, sanitarnim i upravnim prostorijama, spremnika za gorivo, separatora, internih saobraćajnih i parkirnih površina te zelenila. Gorivo se dovozi autocisternama i pretače u ukopane dvoplašne spremnike, ukupnog kapaciteta 120 m³ (2x60 m³).

Sanitarne otpadne vode iz maloprodajnog objekta su kanalizacionim cijevima sprovedene do septika.

Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta na zelene površine.

Oborinske vode sa manipulativnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama te cijevnim sistemom odvođe do separatora ulja i masti na potreban tretman. Preliv iz separatora je izveden na zelene površine na stražnjoj strani objekta.

Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe do ispusta na zelene površine na stražnjem dijelu objekta.

U prethodno provedenom postupku priložena su rješenja o upotrebi predmetnog objekta, vodnoj saglasnosti i obnovljenoj okolišnoj dozvoli.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu pregleda dostavljene dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se je dužan pridržavati pri korištenju objekta, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Konstatuje se da je podnosilac zahtjeva, „EUROANDI” d.o.o. Velika Kladuša ispunio minimum uslova za izdavanje vodne dozvole za ispuštanje oborinskih onečišćenih otpadnih voda sa lokaliteta objekta benzinske pumpne stanice u naselju Vrnograč, Općina Velika Kladuša, te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu („Službene novine Federacije BiH”, broj 71/09 i 102/18) korisniku predmetnog objekta utvrđene su obaveze u tački 5. dispozitiva ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.
Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl. inž. građ.

Dostaviti:

- „EUROANDI” d.o.o. Velika Kladuša, Podzvizd bb, 77 232 Podzvizd,
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava